

ALFONSI RAINOLDI
I. V. C. ET EQVITIS
ORATIO

AD SANCTISSIMVM D. N.
GREGORIVM XIII. P. M.

*Habita dum vna cum quinq; alijs viris primarijs, sexaginta
virorum Consilij generalis Ciuitatis Mediolanensis no-
mine, eidem ad summum Pontificatum assum-
pto, in publico Concistorio gratularetur.*

Die XII. Februarij. Anno. M. D. LXXXI.



SVPERIORVM PERMISSV.

ROMÆ, Ex Typographia Vincentij Accolti, in Burgo.
M. D. X C I.

ALSO BY THE SAME AUTHOR
A HISTORY OF THE
CITY OF LONDON

ADAMANTINE MOUNTAINS
OR THE HISTORY OF THE
MOUNTAINS OF THE WORLD

THE HISTORY OF THE
MOUNTAINS OF THE WORLD
IN THREE VOLUMES
BY THE AUTHOR OF
THE HISTORY OF THE CITY OF LONDON



THE HISTORY OF THE
MOUNTAINS OF THE WORLD

ALFONSI RAINOLDI
I. V. C. ET EQVITIS

AD

GREGORIVM XIII.
PONT. MAX.

ORATIO



I quantum gaudij, ac lætitiæ,
Gregori Pontifex Beatissime, Ci-
uitas Mediolanensis perceperit
ex hac tuis virtutibus debita,
longè omnium amplissima, ac
Cælo proxima dignitate; cumu-
latè significandum esset; Ciuitatem vniuersam;
omnes omnium Ciuium ordines; cunctam ple-
bem eiusque ditionis totius populum præsentem
adesse oporteret: Ita enim efficeretur, vt incredibi-
le illud gaudium, quod oratione, vt vellemus, æqua-
re non possumus; tu ipse Sanctissime Pontifex, il-
lud tanquàm à parente optima profectum ob sum-
mam filij amatissimi felicitatem, non auribus so-
lum exciperes, aut animo complectereris; sed etiam
oculis cerneres, & videres. Gratæ siquidem illæ,

A 2 quas

quas ob tam magnum, ac diuinum beneficium omnes ordines Deo præpotenti, publice, ac priuatim; piè, sanctèq; persoluerunt; mutui illi vitorum nobilium complexus; necnon perpetua illa omnium hominum congratulatio; vultus denique, atq; oculi, hilaritatem præferentes; facillimè declararent quanta lætitiâ exultarint, quantoq; gaudio triumpharint Mediolanenses. Illa eadem ostenderent, quæ mens, qui sensus eorum fuerit, cum primùm optatissimum nuncium acceperunt; te vnum, omnium hominum longe optimum, non humanis consiliis, sed summi rectoris, ac Domini numine annuente; atque adeò approbante; ingenti primùm Romanæ Ciuitatis plausu; deinde incredibili omnium gentium consensione; ac mirifica, (vtis quoq; cumulus ad nostrum accederet gaudium, inuictissimi ipsius Catholici Regis nostri lætitiâ,) Põtificem maximum declaratum esse. Quo quidem nuncio, ipsa Urbis nostræ mœnia ipsi Templorum parietes, lætari propemodum visi sunt. Tantæ huius lætitiæ, quæ Mediolanensem Ciuitatem immortaliter affecit; causæ recenseri possent sanè plurimæ; quæ cum reliquis omnibus Christiani orbis Ciuitatibus sunt communes: Illa verò sibi propria, ac peculiaris existit; qua non lætatur solum, sed etiam gloriatur; quod cum Pontificem maximum creatum videat, quem summa Dei immortalis benignitate ipsa genuit, eadem aluit, sanctissimis moribus expoliuit, atque erudiuit ad religionis instituta: quem ætate floren-

tem,

tem, honore Episcopatus insignem complexa est; in Cardinalium numero cooptatum, excepit per honorificè; Nunc verò quod honorum omnium longe est maximum, atque amplissimum, veneratur atque adorat Pontificem renūciatum. At quem Pontificem? eum scilicet, quem eximia erga Deum pietas, quem summa prudentia summa cum Iustitia coniuncta ad celsissimam Petri Sedem iuremeritò euexerunt. Vt cum alijs nominibus, tum hoc præcipue Patria tua celeberrima futura sit, quod te genuerit, ex cuius vita immortalem ad se gloriam peruenturam esse non dubitat, cum ex eiusdem imperio, ad omnes Christiani orbis gentes felicitatem maximam iam emanare videat. Huius lætitiæ testandæ causa, eadem Ciuitas nos sex oratores delegit; ut non tam quidem, Amplissimi Patres Pontifici Maximo gratulemur, quàm vniuersæ Christianæ Reipublicæ, quæ cum nacta sit rectorem, ac moderatorem; quo meliorem, ac sapientio rem cogitatione nobilimet ipsis fingere, ac ne optare quidem valeamus. Ad vos religiosissimi Proceres orationem meam conuerto; ut à vobis veniam petam, si quam plurimas eius Pontificis laudes, quem vos Pontificatu dignissimum iudicatis tacitus præterito. Non enim eiusmodi sunt, ut vel breui temporis curriculo, vel non exercitato ad dicendum homine contentæ sint. Vnus enim Franciscus Sfondratus summi Pontificis Pater Cardinalis amplissimus, idemque hæros immortalitate dignissimus, qui &

patriam dum vixit virtute illustrauit, & vniuersam
Dei Ecclesiam sapientia, vitæque integritate adiu-
uauit, auxit, ornauit; disertam, luculentamque ora-
tionem exposceret; sed neque id sanctissimi, eius-
denique modestissimi Pontificis aures patiuntur;
Illud vnum tantum sine aliqua eius molestia mihi
dicere liceat; cum nobis Dei immortalis maximo
beneficio datum esse summum rectorem ac Domi-
num; quo nullus vitæ innocentia, sanctitateque
aptior existit ad pacem illam a Deo impetrandam,
quæ ob multa hominum scelera nos deseruit iam-
diu; & reliquit in tanta rerum omnium perturba-
tione; & quo nullus reperitur prudentia, & iustitiæ
melior ad publicam concordiam, & tranquillitatem
aut constituendam, aut conseruandam; ita vt om-
nes prouinciæ, gentes, nationes, Ciuitates, quæ
Christum Dominum agnoscunt, atque eius sanctis-
simis legibus parent, in spem certam veniant; ma-
xima ab eo beneficia consequendi. Vt enim de no-
bis ipsis Mediolanensibus nihil dicamus; qui ad te
ipsum accedimus Beatissime Pater, non solum tan-
quam ad ciuem nostrum, sed etiam Principem be-
neficentissimum, atque eximium Patriæ terrarum-
que orbis ornamentum, omnes maxima quæque
beneficia sibi promittentes; Quis iam non vider,
atque intelligit; omnes homines propter tuam di-
uinam virtutem, singularemque bonitatem, in tan-
tam spem erectos esse; vt te diutissime in Petri nauis
puppi sedente, clauumque tenente, vitia, quæ in im-
mensum

mensum eruerunt, exirpatum liri confidant,
& virtutes inter mortales libentissime commo-
turas esse non dubitent? Iam iam inquirunt om-
nes vno ore; hæretici, nefarii, impurique homines
prauitatem suam iam tandem pertæsi, ac peccata
cognoscentes sua, GREGORIO DECIMOQVARTO
se volentes dedit victos; eiusque iustissimis legi-
bus se subijcient. Nulla gens, nulla natio, nulla de-
nique Ciuitas iam erit, quæ diuina Christianorum
decreta a Pontifice hoc maximo nolit edoceri. In-
terea Patria tua summa hac felicitate cumulata;
sanctissimis tuis pedibus aduoluta, eos peramanter
deosculatur, Deumque omnipotentem precatur,
vt te Reipublicæ Christianæ quàm diutissime ser-
uet incolumem.

D I X I.

MARCELLI VESTRII BARBIANI
Vtriusq; signar. Referend. Secret. Apostolici
domestici S.D. N. GREGORII PP. XIII.
nomine, responsio.



Vantò, viri Mediolanenses, & nobiles Oratores, praesens Sanctitatis sua status eminentior sit eo, in quo fuit, dum Ciuitas vestra eius consuetudine frueretur, ipsi planè conspiciatis. Eadem certè Ciuitas tanquàm genitrix iam ipsum vt filium fouit, iam velut nutrix crescentem aluit, vt patriaciuè titulis decorauit. Sacris deinde honoribus auctum Cremonensem Episcopum, & S. R. E. Cardinalem dignissimum vidit. At nunc eū vos pro filio parentem agnoscitis, pro alumno dispensatorem cernitis, pro ciue moderatorem suspiciatis, & pro singulari Antistite, atq. Cardinale vniuersalis Ecclesia Episcopum, summūq; Pontificem colitis. In sinu ipse vestro olim conuiescere visus fuit, susceptis commodis confirmari se sensit, delatis dignitatibus extolli se vidit, sua deniq; apud vos existima-

tionis causa quodammodo gaudere non dubita-
uit. Jam pro quiete laborat, pro securitate ti-
met, pro dignitate se humiliat, & pro gaudio
suspirat. Ad curarum enim suarum cumulū
illud accedit, ut cum proprias culpas, quarum
expertē minime esse se agnoscit, vindicari in se
vereatur, laudes pro vindicta recipiat. Quic-
quid sit omnia diuina voluntati tribuit, cui se
ipsum deuoto corde submittit. Gratulationē,
quam exhibetis Sanctitas sua libenter recipit,
tum ob veterem eiusdem Ciuitatis in Roma-
nam Ecclesiam fidem, tum ob spectata vestra
merita, qui legationem istam egregiē obitis.
Paternam demū beneuolentiam & sua studia
eidem Ciuitati, & vobis, quos valdē diligit,
& plurimi facit vicissim pollicetur. Curabitq;
ut ex officiorum memoria, amoris in eandem
Ciuitatem magnitudo in dies crescat; ut verò
ex amoris praestantia multitudo etiā benefi-
ciorum, quibus nulli Pontificum, qui ex ea pro-
dierunt cedit, quotidie magis augeatur, re
ipsa praestabit.

LIBRERIA
ROMA
VITTORIO EMANUELE

